

למען ישוב יהוה מזרוק אפן ונתן לך רחמים
 ורחמך והרבך כאשר נשבע לאבתך כי תשמע
 בקול יהוה אלהיך לשמר את כל מצותיו אשר
 אנכי מצוך היום לעשות הישר בעיני יהוה
 אלהיך **בנים אתם ליהוה**
 אלהיכם לא תתגדדו ולא תשימו קרחה בין
 עיניכם למת כי עם קדוש אתה ליהוה אלהיך
 ובך בחר יהוה להיות לו לעם סגולה מכל
 העמים אשר על פני האדמה **לא**
 תאכל כל תועבה זאת הבהמה אשר תאכלו
 שור שיה כשבים ושה עזים איל וצבי ויחמור
 ואקו ודישן ותאו וזמור וכל בהמה מפרסת
 פרסה ושסעת שסע שהי פרסות מעלת גרה
 בבהמה אתה תאכלו אך את זה לא תאכלו
 ממעלי הגרה וממפריסי הפרסה השסועה את
 הגמל ואת הארנבת ואת השפן כי מעלת גרה
 המה ופרסה לא הפריסו טמאים הם לכם ואת
 החזיר כי מפריס פרסה הוא ולא גרה טמא
 הוא לכם מבשרם לא תאכלו ובעלתם לא
 תגעו **את זה תאכלו מכל אשר**
 במים כל אשר לו סנפיר וקשקשת תאכלו
 וכל אשר אין לו סנפיר וקשקשת לא תאכלו
 טמא הוא לכם **כל צפור**
 טהרה תאכלו וזה אשר לא תאכלו מהם
 הנשר והפרס והעזניה והראה ואת האיה
 והדיה למינה ואת כל ערב למינו ואת בת
 היענה ואת התחום ואת השחף ואת הנץ
 למינהו את הכוס ואת הינשוף והתנשמות
 והקאת ואת הרחמה ואת השלך והחסידה
 והאנפה למינה והדוכיפת והעטלף וכל שרץ

העוף טמא הוא לכם לא יאכלו כל עוף
טהור תאכלו לא תאכלו כל זבלה לגר אשר
בשעריך תתננה ואכלה או מוכר לזכרי כי
עם קדוש אתה ליהוה אלהיך לא תבשל
גדי בחלב אמו

עשר העשר את כל תבואת זרעך היצא השדה
שנה שנה ואכלת לפני יהוה אלהיך במקום
אשר יבחר לשכן שמו שם מעשר דגן תורשך
ויצא הדרך ובכרת בקרך וצאנך למען תלמד ליראה
את יהוה אלהיך כל הימים וכי ירבה ממך הדרך
כי לא תוכל שאתו כי ירחק ממך המקום אשר
יבחר יהוה אלהיך לשום שמו שם כי יברכך
יהוה אלהיך ונתתה בכסף וצרת הכסף בידך
והלכת אל המקום אשר יבחר יהוה אלהיך בו
ונתתה הכסף בכל אשר תאוו נפשך בבקר
ובצאן וביין ובשכר ובכל אשר תשאלך נפשך
ואכלת שם לפני יהוה אלהיך ושמחת אתה
וביתך והלוי אשר בשעריך לא תעזבו כי
אין לו חלק וצחלה עמו

מקצה

שלוש שנים תוציא את כל מעשר תבואתך
בשנה הוא והנחת בשעריך ובא הלוי
כי אין לו חלק וצחלה עמו והגר והיתום
והאלמנה אשר בשעריך ואכלו ושבעו
למען יברכך יהוה אלהיך בכל מעשה ידך
אשר תעשה

מקץ שבע שנים
תעשה שמוטה וזה דבר השמוטה שמוט
כל בעל משה ידו אשר ישה ברעהו לא
יגש את רעהו ואת אחיו כי קרא שמוטה
ליהוה את הזכרי תגש ואשר יהיה לך את
אחיו תשמוט ידך אפס כי לא יהיה בך